



**Aningaasaqarnermut Akileraartarnermullu Ataatsimiititaliaq
/-Maani**

Ilanngussaq
Bilag A

**UKA 2021/17 – Oqaloqatigiinnerit tunuliaqutaralugit siunnersuutip
annertussusianik erseqqissaat**

Brevdato: 05-11-2021
Sags nr. 2020 - 23155
Akt id. 18394985

Asasakka Aningaasaqarnermut Akileraartarnermullu Ataatsimiititaliami ilaasortat.

Siunnersuutip aappassaaneerreqarnerani ataatsimiittarfimmi oqallinneq tunngavigalugu, akeqanngitsumik ajunngitsorsiat ilaasa oqallinnermi qitiusut, akileraaruserneqarneranut atatillugu taakku annertussusaannik nassuiaateqarnissaq pisariaqartoq nalilerneqarpoq. Taanna tunngavigalugu Inatsisartut aalajangererat paasinerluinernik aallaaveqarnani paasissutissanik eqqortunik tunngaveqarluni pisinnaasoq neriutigaara.

P. O. Box 1037
3900 Nuuk

Tel. (+299) 34 50 00
Fax (+299) 34 63 50

E-mail: oed@nanoq.gl
www.naalakkersuisut.gl

1. Akeqanngitsumik nerisaqartitaaneq

- Siunnersuutikkut qanoq pisoqarnerani akeqanngitsumik nerisaqarnerup akileraaruserneqarnera allanngortinneqanngilaq.
- Perorsaasut sulinerminnut atatillugu meeqqerivimmi meeqqanik nereqateqartut akeqanngitsumik nerisaqarnerminnut akileraarusiiffineqassanngillat. Taamaaliornikkut malittarisassanut atuutereersunut atatillugu siunnersuut allannguinngilaq.
- Utoqqaat utoqqaat illuanni akeqanngitsumik nerisaqartut aamma nerisaminnik akileraarusiiffineqassanngillat.
- Siunnersuutikkut ullumikkut akilersuititsarnerit marluusut ataasiinnanngortinneqarput. Akiliut siulleq amerlanernut ullumikkornit akeqanngitsumik nerisat appasinnerusumik akileraaruserneqarnerannik nassataqassaaq. Kisiannili aatsitassarsionnermi sulisunut Namminersorlutilluunniit Oqartussat kommuninulluunniit illuutissaanik sanaartortunut 500 mio. kr.-t sinnerlugit naleqartunik akit akiliutit annikitsumik qaffassapput.

2. Akeqanngitsumik sulinngiffeqarluni angalanerit, atorfirmut atatillugu angalanerit kiisalu ilaannakortumik atorfirmut atatillugu angalanerit

- **Sulinngiffeqarluni angalanerit** – Ukiumut ataasiarluni akileraarusigaanngitsumik sulinngiffeqarluni angalanerit suli pisinnaatitaaffeqartoqarpoq. Tassuuna malittarisassat atuutereersunut sanilliullugu allannguisoqanngilaq. Malugiuk akiliunneqarluni angalanerup nalingata qaffasinnerpaaffiunera, tamannalu akileraarusiinerup killilernissaa siunertaralugu atulersinneqarpoq, angalanerillu amerlanerpaat qaffasinnerpaaffik taanna ataallugu ingerlanneqarsinnaapput.
- **Atorfirmut atatillugu angalanerit** – siunnersuut atorfirmut atatillugu angalasarnerit allannguiiffineqarnerannik nassataqanngilaq. Taakku

ullumikkut akileraarusigaanngillat inatsisissatullu siunnersuutip atulerneratigut akileraaruserneqassanatik.

- **Ilaannakortumik akiliunneqarluni angalaneq** – tamanna assersuutigalugu sulinermit atatillugu angalaneruinnaavoq, sulinermi alanganermit tapiliullugu ataannartumik ullut tallimat sinnerlugit feeriarfiuvoq. Taamaalluni angalanermit aningaasartuutit naapertuuttut siunnersuutikkut nutaanut akileraaruserneqartussanngussapput. Tamannali taamaallaat ukiumut ataasiarluni akiliunneqarluni sulinngiffeqarnermit angalanerup atorneqannginnerani pisinnaavoq. Atorneqarsimatinnagu ilaannakortumik sulinermit atatillugu angalaneq aamma akileraaruserneqassanngilaq, tassanilu angalanerup akiliunneqarluni sulinngiffeqarnermit atatillugu angalasarnermit malittarisassat iluanni ingerlanneqarnera tunngavissaatinneqarpoq.
- **Akeqanngitsumik angalaneq – inuit kommunit agguarnerisa avataanniittut.** Taanna ilaatigut Pituffimmi sulisut angalanerannut attuumavoq. Angalanerit taamaattut ullumikkut angalanerup siulliup kingorna pisut 2.000 kr.-nik akileraarusiiffiqineqartarput. Siunnersuut naapertorlugu taakku sulit 2.000 kr.-nik akileraarusiiffiqineqassapput.

3. Akeqanngitsumik ineqarneq

- Qaqugu akeqanngitsumik ineqarnermit akileraartussaataaneq siunnersuutikkut allanngortinneqanngilaq.
- Inissiap iluanaarutaatut naatsorsugaq kvadratmeterimut 15.000 kr.-usoq qaffanneqarpoq. Tamanna inissiap pisiarinerani kvadratmeterimut 15.000 kr.-nit qaffasinnerunerani akeqanngitsumik inigineqartup nalingata qaffannera nassatarisinnaavaa.
- Inuk attartortitsisoq ineqarnerminut akiliisarpap, aallaavittut akeqanngitsumik ineqartoqarsimassanngilaq.
- Ineqarnermit akiliutiqineqartoq inissiap akileraarusiisarnikkut nalinganik appasinnerunerani, tamanna ilaannakortumik akeqanngitsumik ineqartitaanermut akiliisitsinermik *malitseqarsinnaavoq*. Tamanna taamaallaat appasissumik ineqarnermit akiliisarnermi kiisalu inissiap akileraarusiisarnikkut nalingata ineqarnermit akiliummit qaffasinneruneranni aatsaat pisassaaq. Tamanna maleruagassani maanna atuuttuni aalajangersagaareerpoq.
- Namminersorlutik Oqartussat inissiaataat ataatsimut isigalugu pisoqaapput aserfallatsaaliorneqarnerallu pitsaavallaarnani. Taamaammatt siunnersuut peqqinnissaqarfimmi sulisut annertunerusumik akileraarusiiffiqineqarnerannik nassataqassangatinneqanngilaq, peqqinnissaqarfiummi sulisui ullumikkut ineqartitaanerminnut naapertuuttumik akiliuteqartareerput. Peqqinnissamut Naalakkersuisoqarfik inatsisissatut siunnersuummut akerlilinnissamik patsisissaqartitsisimannngilaq. Inatsisissatut siunnersuut ilimagisat akimorlugit peqqinnissaqarfiup sulisoqarniarneranut annertuumik kinguneqassappat, Naalakkersuisut peqqinnissaqarfimmi sulisunut ineqarnermit atugassarititaasut isumatusaartuunersut nalilissavaat.

4. Akeqanngitsumik biileqartitaaneq

- Siunnersuutikkut qaqugu akeqanngitsumik biileqartitaanermut akileraartussaataitaaneq, qaquguluunniit akeqanngitsumik biileqartitaanermut akileraaruserneqartussaanginneq allangortinneqanngilaq.
- Inuit pigaartut aggersarneqarsinnaasut suli biilip inuinnartut angalanernut atorneqannginnerani akeqanngitsumik biileqartitaanermut akileraaruserneqartussaataitaanngillat. Tassani assersuutigalugu ruujorilerisut (kuuffissuarnik suliaqartut) qullilerisullu aggersarneqarsinnaasutut pigaartuusut pineqarput.
- Biilileriffinni biiliniq biilinillu immikkut ittunik atugassaqarneq biilinit allanit appasinnerusumik akileraaruserneqartarpoq.
- Lastbiiliniq, eqqaavilerisut biilinnik imermik/orsussamik assartuutiniq il.il. 4 tonsinit oqimaannerusunik atugassaqarneq suli akileraarusigaanngilaq.
- Siunnersuut kia qaquguluunniit akileraartussaataitaaneranut inatsisinut atatillugu allannguutiniq nassataqanngilaq. Akeqanngitsumilli biileqartitaanermut akiliutit nalimmassarneqarput, taakkumi kingullermi ukiut aqqanillit sinnerlugit matuma siorna nalimmassarneqarnerannit, akit qaffakkiartorneri malillugit naleerukkiartorsimmamata.

Inussiarnersumik inuulluaqqusillunga



Aasi Chemnitz Narup